

## ՍԱՆԿԱՎԱՐԺՆ ՈՒ ԳԻՏՆԱԿԱՆԸ

Լրացավ Երևանի Խ. Աբովյանի աճվան ՊՄՀ - ի հայոց լեզվի և նրա դասավանդման մեթոդիկայի ամբիոնի վարիչ, բանասիրական գիտությունների դոկտոր, պրոֆեսոր Լալիկ Խաչատրյանի ծննդյան 50-ամյակը:

1973թ. ավարտելով Խ. Աբովյանի աճվան հայկական պետական մանկավարժական ինստիտուտի բանասիրական ֆակուլտետը՝ Լ. Խաչատրյանը աշխատում է հայրենի Կամոյի շրջանում որպես հայոց լեզվի և գրականության ուսուցիչ: Լինելով օժտված մանկավարժ՝ նա մի քանի տարի հմտանում է մայրենի ուսուցման բնագավառում, միաժամանակ շարունակում դեռևս ուսանողական տարիներից իրեն հետաքրքրող լեզվական իրողությունների գիտական պրատումները: Իր մանկավարժական փորձի մեջ արդյունքների վերաբերյալ մի քանի հոդվածներով հանդես է գալիս «Հայոց լեզուն և գրականությունը դպրոցում» ամսագրում:

Ծովո՞ 10 տարի գրադպելով բառերի խոսքիմասային իմաստների տեղաշարժերի հարցերով՝ նա իր գիտական եզրահանգումները 1981թ. ամփոփում է պաշտպանության ներկայացված «Բառերի ծևաբանական իմաստի և արժեքի տեղաշարժերը հայերենում» ատենախոսության մեջ և ստանում բանասիրական գիտությունների բեկնածուի գիտական աստիճան: Աշխատանքը՝ որպես բառերի ծևաբանական իմաստների պատմական զարգացման ու փոփոխությունների հանգամանալի և համակարգմանի ուսումնասիրություն, արժանանում է ՀԱԽՀ մանկավարժական ընկերության առաջին կարգի մրցանակի և 1985թ. որպես մենագրություն տպագրվում լրամշակված տարրերակով:

1982թ. Լ. Խաչատրյանը աշխատանքի է անցնում Խ. Աբովյանի աճվան մանկավարժական ինստիտուտում որպես հայոց լեզվի և նրա դասավանդման մեթոդիկայի ամբիոնի դասախոս: 1990թ. նրան շնորհվում է դրցենտի կոչում: Մինչև այժմ էլ նա այդ ամբիոնի անդամ է և դասավանդում է ժամանակակից հայոց լեզու, գրաբար, բնդիհանուր լեզվաբանություն առարկաները:

Լ. Խաչատրյանը շարունակում է գրադպել բառերի ծևաբանական իմաստաբանության խնդիրներով: «Ենտազուտության նյութ դարձնելով հայերենի կայուն կապակցությունների, հատկապես դարձվածքների բաղադրիչների խոսքիմաստային իմաստների փոփոխությունները և անցումները՝ նա հրապարակ է հանում մեկ այլ աշխատություն՝ «Խոսքիմաստային տարարժեքությունը արդի հայերենի կայուն կապակցություններում» վերնագրով, որն էլ ներկայացնելով իրքու դոկտորական թեզ՝ 1997-ին պաշտպանում է և ստանում բանասիրական գիտությունների դոկտորի գիտական աստիճան: Շարունակելով իր ուսումնասիրությունները լեզվի այս բնագավառում՝ նա քննում է նաև գրաբարի ծևաբանական տարարժեքության հարցերը, որի արդյունքում հրատարակում է «Գրաբարի տարարժեք բառերի բացատրական բառարան» աշխատանքը: Այժմ տպագրության է պատրաստվում այս բառարանի լրամշակված և հարստացված տարրերակը:

Լ. Խաչատրյանը մեծ ակտիվությամբ և մասնագիտական հմտությամբ գրադպում է նաև հայոց լեզվի ուսուցման և աշակերտների լեզվական գիտելիքների ստուգման մեթոդական խնդիրներով: Նա համահեղինակել է 1992-ին հրատարակված «Հյուուն հայցարան հայոց լեզվից» ՀՀ - ում իր տեսակի մեջ առաջին թեսթային հարցաշարերի ժողովածուին: «Ենտազա տարիներին ևս, որպես համահեղինակ, մասնակցել է դպրոցների ավարտական և բուհերի ընդունելության քննությունների հարցարան-աշխատանքներին: Նա համահայկական գործունեություն է ծավալել 1997 և 1999 թթ.՝ գրաբար և հայ հիմն գրականություն դասավանդելով Հայեսպի «Քարեն Եփիկե» ճեմարանում:

Լ. Խաչատրյանը 2001թ. ընտրվել է Երևանի պետական մանկավարժական համալսարանի հայոց լեզվի և նրա դասավանդման մեթոդիկայի ամբիոնի վարիչի պաշտոնում: Իր գիտական պրատուն մտքի, տարիների մանկավարժական հմտության, անձնական բարձր պատասխանատվության, պահանջկուտության և աշխատասիրության շնորհիվ այժմ էլ հաջողությամբ շարունակում է ղեկավարել հայագիտական և մանկավարժական կազմերի պատրաստման՝ Հայաստանի Հանրապետությունում հենակետային ամբիոնի աշխատանքները:

Ռաֆիկ Մանուկյան  
Բանասիրական գիտությունների թեկնածու